

Laajrakin mennin aikuj ko an ablikajon eo ñan jibañ ko relablok ikijen bōjrak jermal jen jorren eo emōj an jelōte aoleben lal in.

Kwōmaron tōbrak ñan jibañ kein ñe kwōjab maron jermal kin COVID-19.

Jet wāween ko ekoba:

- Jikin jermal eo am ear kilōk, kwar jab maron etal in jermal, kwar aikuj kamōje kwe ak jermal part time (jidik awa).
- Kwōj juon eo ej make koontōreak, make jermal ñan kwe, ak wonnam im awa ko am rejab kōjellā kaki ñan obij eo ej bōk eddon kakien ko an Kejbarok Jermal - im emōj an jelōt jermal eo am, ñe ejab ekilōk bijnej eo am.
- Kwōj aikuj lale ajiri eo nejum bwe ejab maron etal ñan jikuul ak jikin eo rej lale.

Ñan am maron tōbrak ñan jibañ ko relablok ikijen bōjrak jermal:

- Kwōj aikuj mokta kanne am beba ñan jibañ ko ekkā ikijen bōjrak jermal im jab teru. (Mennin aikuj ilo kakien.) Elañe kwōjañin kateruru im emōj am jab teru, ritti mennin aikuj ko ikijen maron tōbrak [ilo website eo amim](#). Im bareinwōt lale [laajrakin mennin aikuj ko ñan maron tōbrak](#) im [laajrakin mennin aikuj ko ilo ablikajon](#) ñan jibañ ko rekkā.
- Kwōj aikuj kar jermal jet awa ilo jinoin yiō eo am im jab jermal kin COVID-19. Jinoin yiō eo am ej allon ko emen jinoin ilo kuwata ko lalem kwar kamōji iloan kōlantā eo mokta jen wiik eo kwar kanne am beba.

Mokta jen am kanne am beba:

Aen aoleben melele ko kwōnaj aikuji kadedelok ilo ablikajon eo:

- Ejja melele ko am make, melele in jeral ko am moktalok, melele in bank ko am kwar kadeloñ ilo ablikajon eo ñan jibañ ko rekkā ikijen bōjrak jermal.
- Juon ak lablok in beba in 2019, elañe kwōj jermal ñan kwe make, ak kwōj make koontōreak ak

ñe ejellok melele in kolla ko am ibbemim:

- 1040 kwōj make bael

- 1040 bael ibben doon, koba kin Laajrak C.
- 1125-E
- Laajrak F: Tōbrak im Luuj jen Jikin Atake
- W-2
- 1099-Misc ak 1099-K
- 1040-SE
- 1065 Laajrak K-1

- Letok wonnam ilo **2019** kin **kuwata**: Kwōnaj loe bōnōbōn kein ilo beba in jek eo am, beba in kamool tōbrak im luuj ko an bijnej, im beba eo ej kowalok joñan ko im ripoot in bōnōbōn ko jet.

Wāween am kanne beba:

- [Download ae melele in kajinet](#) ñan tibdikin jibañ im kōmelele ko.
- Kim ej rōjañ am kanne beba online. Kwōmaron bar kanne ilo talebon, bōtab elukkun iōñ rej kall tok kiō im enaj mokajlok am kanne beba online.
- Emmon tata kōjermal juon laptop ak kombutor ko ioon tebol. Kwōmaron kōjermal juon talebon ak tablet, bōtab emaron bin am kajinet ilo kein jermal eo.
- Kōmmāne juon akkoun in SecureAccess Washington (SAW) ñe ejañin wōr am. Mokta jen am kōmmāne akkoun eo am, jab kōmmāni [jorren ko rekkā](#) ilo am etale melele ko ilo website eo amim.
- Jino ilo [secure.esd.wa.gov/home](#). Kōjermal username im password in SAW eo am ñan am deloñe ablikajon eo an bōjrak jermal ilo eServices.

Kememej kōmelele kein rej make wōt ñan am likūt melele ko kin wonnam:

- Kadeloñ wōt wonnam ilo 2019, jekdoñ ñe kwōjañin baele beba in eowoj in kolla eo am ñan 2019.
- Likūt wōt “joñan bwe” in wonnam, ejab “joñan eo mokta jen kankan”. Joñan bwe in kolla ej bwe eo ālikin aoleb kankan.
- Ñe renaj kajitōk am kadeloñ wonnam ilo kajojo kuwata, kadeloñ wonnam ilo 2019 ñan Janode - Maaj, Ebrol - Juun, Julae-Jebtomba, im Oktoba - Tijemba.

Ālikin am kanne beba im emōj katōbrak kwe:

- Jino am lelok claim ko an kajojo wiik ilo ien eo wōt-jekdoñ ñe kwōjañin tōbrak.

